



Broj: 01,02-50-12-18-3,7/15
Sarajevo, 12.3.2013.

POSLANIKU U PREDSTAVNIČKOM DOMU
PARLAMENTARNE SKUPŠTINE BiH

DELEGATU U DOMU NARODA
PARLAMENTARNE SKUPŠTINE BiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	17-03-2015		
Organizaciona jedinica	Klasifikacioni oznaka	Redni broj	Broj priloga
01,02-34-1		402/15	

B

PREDMET: Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje dva člana Ureda za razmatranje žalbi (*član URŽ-a između priznatih stručnjaka koji ima univerzitetsko obrazovanje pravnog smjera i položen pravosudni ispit iz Republike Srpske i član URŽ-a iz reda ostalih, koji bi bio biran ili iz Federacije BiH ili iz Republike Srpske*) i po pet članova URŽ-a Filijale u Banjoj Luci i Filijale u Mostaru

Poštovani,

Zajednički kolegij oba doma Parlamentarne skupštine BiH se na 3. sjednici, održanoj 12.3.2015., upoznao sa zaključkom Ureda za razmatranje žalbi BiH o obavještanju Vijeća ministara BiH i Parlamentarne skupštine BiH o isteku mandata imenovanih lica, akt broj: 01,02-50-19-1466/14, od 29.12.2014.

Sodno članu 93. Zakona o javnim nabavkama Bosne i Hercegovine ("Službeni glasnik BiH", broj 39/14), Zajednički kolegij oba doma Parlamentarne skupštine BiH utvrdio je Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje dva člana Ureda za razmatranje žalbi (*član URŽ-a između priznatih stručnjaka koji ima univerzitetsko obrazovanje pravnog smjera i položen pravosudni ispit iz Republike Srpske i član URŽ-a iz reda ostalih, koji bi bio biran ili iz Federacije BiH ili iz Republike Srpske*) i po pet članova URŽ-a Filijale u Banjoj Luci i Filijale u Mostaru od kojih su tri člana priznati stručnjaci upravnog prava i/ili upravnog postupka, a dva člana su stručnjaci u oblasti izvođenja radova, javnih nabavki, transporta i strateškog poslovnog upravljanja, koji Vam dostavljamo u prilogu na razmatranje i usvajanje.

S poštovanjem,

PREDSJEDAVAJUĆI
PREDSTAVNIČKOG DOMA
Šefik Džaferović



PREDSJEDAVAJUĆI
DOMA NARODA
Bariša Čolak

PRILOG:

- Prijedlog zaključka
- dopis Ureda za razmatranje žalbi broj: 01-50-1-417-2/14, od 23.2.2014.

DOSTAVLJENO:

- naslovu
- a/a



PRIJEDLOG

Na osnovu člana 55. stav (2) Poslovnika Predstavničkog doma Parlamentarne skupštine BiH ("Službeni glasnik BiH", broj 79/14) i člana 45. stav (2) Poslovnika Doma naroda Parlamentarne skupštine BiH ("Službeni glasnik BiH", broj 58/14), Parlamentarna skupština Bosne i Hercegovine na ____ sjednici Predstavničkog doma, održanoj ____ godine, i ____ sjednici Doma naroda, održanoj ____ godine, donosi

ZAKLJUČAK

o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva člana Ureda za razmatranje žalbi i članova filijala u Banjoj Luci i Mostaru

Član 1.

Osniva se Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje dva člana Ureda za razmatranje žalbi (*član URŽ-a između priznatih stručnjaka koji ima univerzitetsko obrazovanje pravnog smjera i položen pravosudni ispit iz Republike Srpske i član URŽ-a iz reda ostalih, koji bi se birao ili iz Federacije BiH ili iz Republike Srpske*) i po pet članova URŽ-a Filijale u Banjoj Luci i Filijale u Mostaru od kojih su tri člana priznati stručnjaci upravnog prava i/ili upravnog postupka, a dva člana su stručnjaci u oblasti izvođenja radova, javnih nabavki, transporta i strateškog poslovnog upravljanja.

Član 2.

U Privremenu zajedničku komisiju iz člana 1. ovog zaključka imenuju se

iz Predstavničkog doma sljedeći poslanici:

1. _____
2. _____
3. _____

iz Doma naroda sljedeći delegati:

1. _____
2. _____
3. _____

Član 3.

Zadatak Privremene zajedničke komisije je da, u skladu sa zakonom, provede proceduru oglašavanja za dva člana Ureda za razmatranje žalbi (*član URŽ-a između priznatih stručnjaka koji ima univerzitetsko obrazovanje pravnog smjera i položen pravosudni ispit iz Republike Srpske i član URŽ-a iz reda ostalih, koji bi se birao ili iz Federacije BiH ili iz Republike Srpske*) i po pet članova URŽ Filijale u Banjoj Luci i Filijale u Mostaru od kojih su tri člana priznati stručnjaci upravnog prava i/ili upravnog postupka, a dva člana su stručnjaci u oblasti izvođenja radova, javnih nabavki, transporta i strateškog poslovnog upravljanja i domovima predloži kandidate za Ured za razmatranje žalbi radi imenovanja na mandat od pet godina.

Član 4.

Ovaj zaključak stupa na snagu kad ga u identičnom tekstu usvoje oba doma Parlamentarne skupštine Bosne i Hercegovine, a bit će objavljen u „Službenom glasniku BiH“.

Broj: _____

_____.godine

Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

Obrazloženje

- **Ostoja Kremenović**, član URŽ-a između stručnjaka u oblasti upravnog prava, **istekao** je mandat člana URŽ-a s danom 31.3.2014.
- U skladu s članom 93. stav (2) Zakona o javnim nabavkama Bosne i Hercegovine ("Službeni glasnik BiH", broj 39/14), URŽ treba da ima sedam članova, pa je potrebno imenovati jednog člana Ureda iz reda ostalih (naroda).

Zakon o javnim nabavkama ("Službeni glasnik BiH, broj 39/14")

Član 93.

(Ured za razmatranje žalbi Bosne i Hercegovine)

- (1) URŽ je samostalna, nezavisna institucija sa statusom pravnog lica, sa sjedištem u Sarajevu. URŽ ima pečat u skladu sa Zakonom o pečatu institucija BiH.
- (2) URŽ ima sedam članova, od čega po dva iz reda naroda u BiH, jedan iz reda ostalih, pri čemu su dva člana iz reda naroda u BiH iz Republike Srpske, četiri iz reda naroda iz Federacije Bosne i Hercegovine, a jedan iz reda ostalih alternativno se bira iz jednog ili drugog entiteta.
- (3) Tri člana URŽ-a, između kojih se bira predsjedavajući, moraju imati univerzitetsko obrazovanje pravnog smjera i položen pravosudni ispit. Ostala tri člana URŽ-a su stručnjaci s visokom stručnom spremom u oblasti izvođenja radova, javnih nabavki, transporta ili strateškog poslovnog upravljanja.
- (4) URŽ će imati dvije filijale, sa sjedištem u Banjoj Luci i Mostaru. Filijale neće imati status pravnih lica. Filijale će imati pečate identične pečatu URŽ-a, koji će kao jedinu dopuštenu razliku sadržavati naziv i lokaciju filijale.
- (5) Filijale u Banjoj Luci i Mostaru imaju po pet članova, od kojih su tri člana priznati stručnjaci upravnog prava i/ili upravnog postupka, a dva člana su stručnjaci u oblasti izvođenja radova, javnih nabavki, transporta i strateškog poslovnog upravljanja i biraju se putem javnog oglasa.
- (6) URŽ sa sjedištem u Sarajevu nadležan je za donošenje odluka po žalbama za vrijednosti nabavke u iznosu većem od 800.000,00 KM, kao i za sve nabavke institucija Bosne i Hercegovine i institucija Brčko Distrikta BiH, i drugih ugovornih organa Bosne i Hercegovine i Brčko Distrikta BiH.
- (7) Filijale URŽ-a u Banjoj Luci i Mostaru nadležne su za donošenje odluka po žalbama za vrijednosti nabavke do 800.000,00 KM. Nadležnost filijale određuje se prema entitetskom sjedištu ugovornog organa.
- (8) URŽ rješava po žalbama u postupcima javne nabavke.
- (9) Članovi URŽ-a su u izvršavanju svoje funkcije nezavisni, jednaki i vezani isključivo za Ustav BiH i zakone u Bosni i Hercegovini.
- (10) Članove URŽ-a imenuje Parlamentarna skupština Bosne i Hercegovine (u daljnjem tekstu: PSBiH). PSBiH donosi odluku o pokretanju i provođenju procedure izbora i imenovanja, imenovanju ad hoc komisije za izbor i imenovanje članova URŽ-

a. Ad hoc komisija sačinjava listu uspješnijih kandidata i dostavlja je PSBiH koja imenuje na dužnost i razrješava dužnosti članove URŽ-a.

(11) Mandat članova URŽ-a je pet godina, s mogućnošću jednog ponovnog imenovanja. U slučaju prijevremenog razrješavanja jednog od članova URŽ-a, novi član URŽ-a imenuje se za ostatak mandata.

(12) Ako PSBiH ne imenuje blagovremeno članove URŽ-a, članovima URŽ-a produžava se mandat do imenovanja novih članova, ne duže od osam mjeseci.

(13) Funkcija članova URŽ-a nespojiva je s bilo kojom drugom posrednom ili neposrednom, stalnom ili povremenom dužnosti, sa izuzetkom akademskih, naučnih ili publicističkih aktivnosti.

(14) PSBiH može člana URŽ-a prijevremeno razriješiti dužnosti samo u slučajevima ako član URŽ-a: a) podnese ostavku PSBiH; b) je pravosnažno osuđen za krivično djelo na kaznu zatvora u trajanju dužem od šest mjeseci; c) trajno izgubi radnu sposobnost za obavljanje svoje funkcije.

(15) URŽ ima pravilnik o unutrašnjoj organizaciji, koji se usvaja na općoj sjednici URŽ-a i za koji glasa natpolovična većina svih članova URŽ-a.

(16) URŽ ima poslovnik o radu URŽ-a, koji usvaja na općoj sjednici URŽ-a i za koji glasa natpolovična većina svih članova URŽ-a.

(17) Članovi URŽ-a i svi zaposleni u URŽ-u dužni su u svom radu čuvati tajnost podataka u skladu sa zakonom.

(18) URŽ podnosi PSBiH godišnji izvještaj o radu, nakon što ga usvoji natpolovična većina svih članova URŽ-a.

PRIMLJENO: 29-12-2014			
Organizaciona jedinica	Klasifikaciona oznaka	Redni broj	Broj priloga
01-02-	50-19-	1466/14	



BOSNA I HERCEGOVINA **БОСНА И ХЕРЦЕГОВИНА**
URED ZA RAZMATRANJE ŽALBI **КАНЦЕЛАРИЈА ЗА РАЗМАТРАЊЕ ЖАЛБИ**

BOSNIA AND HERZEGOVINA
PROCUREMENT REVIEW BODY

Broj: 01-50-1-417-2/14
Sarajevo, 23. 12. 2014. godine

Na temelju članka 93. stavak (2), (3) i (10) Zakona o javnim nabavama Bosne i Hercegovine ("Službeni glasnik BiH" broj: 39/14) i članka 11. i 20. Poslovnika o radu Ureda za razmatranje žalbi, broj: 01-02-2-390-2/14 od 26. 11. 2014. godine, a u svezi sa stavkom 4. Obavijesti o zaključcima Vijeća ministara BiH, broj: 05-07-2388-31/09 od 27. 07. 2009. godine, Kolegij Ureda za razmatranje žalbi BiH, na općoj sjednici održanoj 17. 12. 2014. godine, donio je:

ZAKLJUČAK

**o obavještanju Vijeća ministara i Parlamentarne skupštine BiH
o isteku mandata imenovanih osoba**

Sukladno obvezi rukovoditelja agencija i drugih upravnih organizacija da prate i blagovremeno obavještavaju Vijeće ministara BiH o isteku mandata imenovanim osobama, koja obveza je utvrđena Zaključkom Vijeća ministara BiH, broj: 05-07-2388-31/09 od 27. 07. 2009. godine, Kolegij Ureda za razmatranje žalbi obavještava Vijeće ministara BiH i Parlamentarnu skupštinu BiH o slijedećem:

- Ostojić Kremenoviću, članu Ureda za razmatranje žalbi iz reda stručnjaka u području upravnog prava, istekao j mandat člana Ureda za razmatranje žalbi sa danom 31. 03. 2014. godine.
- Sukladno članku 93. stavak (2) Zakona o javnim nabavama Bosne i Hercegovine ("Službeni glasnik BiH" broj: 39/14) Ured za razmatranje žalbi treba da ima sedam (7) članova, pa je potrebno imenovati jednog člana Ureda iz reda ostalih (naroda).

Obrazloženje

Člankom 93. stavak (2) i (3) Zakona o javnim nabavama Bosne i Hercegovine ("Službeni glasnik BiH" broj: 39/14) utvrđeno je da:

„URŽ ima sedam članova, od čega su po dva iz reda naroda u BiH, jedan iz reda ostalih, pri čemu su dva člana iz reda naroda u BiH iz Republike Srpske, četiri iz reda naroda iz Federacije Bosne i Hercegovine, a jedan iz reda ostalih alternativno se bira iz jednog ili drugog entiteta“

„Tri člana URŽ-a, između kojih se bira predsjedavajući, moraju imati univerzitetsko obrazovanje pravnog smijera i položen pravosudni ispit. Ostala tri člana URŽ-a su stručnjaci s visokom stručnom spremom u oblasti izvođenja radova, javnih nabavki, transporta ili strateškog poslovnog upravljanja“.

Stavom 10. istoga člana Zakona o javnim nabavkama utvrđeno je da:

„Članove URŽ-a imenuje Parlamentarna skupština Bosne i Hercegovine. PSBiH donosi odluku o pokretanju i provođenju procedure izbora i imenovanja...“

Ostoja Kremenović za člana URŽ-a iz reda stručnjaka na području upravnog prava, imenovan je Odlukom PSBiH, broj: 329/09 od 26. ožujka 2009. godine, koja je na snagu stupila danom objavljivanja – 31. ožujka 2009. godine. Sukladno odredbi članka 49. stavak (6) tada važećeg Zakona o javnim nabavama („Službeni glasnik BiH, broj: br: 49/04, 19/05, 52/05, 8/06, 24/06, 70/06, 12/09, 60/10, 87/13 i 47/14) Vijeće ministara BiH provodilo postupak javnog natječaja za izbor članova URŽ-a, te je u Odluci o raspisivanju natječaja i utvrđivanju uvjeta za članov Ureda za razmatranje žalbi („Službeni glasnik BiH”, broj: 20/05) propisalo da je mandat članova URŽ-a – 5 godina, uz mogućnost ponovnog imenovanja.

Sukladno navedenome, članu URŽ-a Ostoji Kremenovići istekao je mandat člana URŽ-a u trajanju od 5 godina – sa danom 31. 03. 2014. godine.

Nakon isteka mandata drugih članova URŽ-a, koji su ranije bili imenovani, odnosno koji su iz drugih razloga razriješeni funkcije člana URŽ-a prije isteka mandata, raspisan je novi natječaj za imenovanje članova URŽ-a, na temelju kojega su za članove URŽ-a imenovani, kako slijedi:

➤ *Odlukom o imenovanju članova Ureda za razmatranje žalbi, broj: PSBiH-01,02-34-1-670/14 od 06. lipnja 2014. godine, koja je objavljena u "Službenom glasniku BiH", broj: 49/14 od 24. 06. 2014. godine;*

1. **Nikolina Silak,**
2. **Vildan Đurović,**
iz reda stručnjaka iz oblasti javnih nabavki, transposrta i strateškog poslovnog upravljanja iz Federacije BiH;
3. **Dragan Vukajlović** iz reda stručnjaka iz oblasti javnih nabavki, transposrta i strateškog poslovnog upravljanja iz Republike Srpske;
4. **Ilma Mehić-Jusufbašić**
iz reda priznatih stručnjaka upravnog prava iz Federacije BiH

➤ *Odlukom o imenovanju člana Ureda za razmatranje žalbi, broj: PSBiH-01,02-34-1-943/14 od 10. rujna 2014. godine, koja je objavljena u "Službenom glasniku BiH", broj: 74/14 od 16. 09. 2014. godine;:*

5. **Željka Klobučar,**
iz reda priznatih stručnjaka upravnog prava iz Federacije BiH.

Mandat naprijed navedenih imenovanih članova URŽ-a je pet godina i traje do 24. 06. 2019. godine (za članove pod 1, 2, 3. i 4), odnosno do 16. 09. 2019. godine (za člana pod r. brojem 5.).

Obzirom da je jednom članu URŽ-a iz reda priznatih stručnjaka upravnog prava iz Republike Srpske istekao mandat (Ostoja Kremenović), te da Zakon previda da URŽ ima ukupno 7 članova, od kojih je sedmi član – iz reda ostalih, koji se alternativno bira iz jednog ili drugog entiteta, donesen je zaključak kao u izreci, a u svrhu obavještenja mjerodavnog organa kako bi isti započeo postupak natječaja radi izbora:

- člana URŽ-a iz reda priznatih stručnjaka upravnog prava iz Republike Srpske i
- člana URŽ-a iz reda ostalih, koji bi se birao ili iz Federacije BiH ili iz Republike Srpske.

CO: 1x u spis 01-02-2-383/14

1x u spis 02-116-2236/11

